



IZVJEŠTAJ O RADU

za period 01.01 - 31.12.2008. godine

Sarajevo, januar 2009. godina

S A D R Ž A J

I UVOD

II UPOREDNI STATISTIČKI POKAZATELJI PREDUZETIH AKTIVNOSTI

- **Prijava i odjava boravišta stranih državljana**
- **Kontrola pravnih i fizičkih lica koje pružaju usluge smještaja strancima**
- **Podneseni zahtjevi za odobrenje - produženje privremenog boravka**
- **Rješenja o odobrenju - produženju privremenog boravka**
- **Rješenja o odbijanju zahtjeva za odobrenje - produženje privremenog boravka**
- **Zaključak o prekidu - obustavi postupka**
- **Odobrenje stalnog boravka**
- **Izražena namjera za podnošenje zahtjeva za međunarodnu zaštitu**
- **Ovjera pozivnih pisama**
- **Kontrola boravka i preduzete mjere prema strancima**
- **Provjere u bazi ROS-a izvršene u sjedištu Službe**
- **Saglasnost za izdavanje „D“ vize**

III INSPEKCIJSKI POSLOVI

IV PRIHVAT I SMJEŠTAJ STRANACA

V POSLOVI INSPEKTORATA ZA UNUTRAŠNJU KONTROLU

VI BUDŽETSKA SREDSTVA I KADROVSKA POPUNJENOST

VII OBUKE

VIII SLUŽBENA SARADNJA

I UVOD

U ovom izvještajnom periodu poslove iz domena kontrole kretanja i boravka stranaca i azila u skladu sa nadležnostima propisanim Zakonom o kretanju i boravku stranaca i azilu ("Službeni glasnik BiH" br. 29/03, 4/04 i 36/08), Pravilnikom o uslovima i procedurama ulaska i boravka stranaca ("Službeni glasnik BiH" broj: 4/05), Pravilnikom o ulasku i boravku stranaca ("Službeni glasnik BiH" broj: 81/08), Zakonom o Službi za poslove sa strancima ("Službeni glasnik BiH" br. 54/05 i 36/08) i drugim zakonskim i podzakonskim propisima izvršavali su uz koordinaciju menadžmenta Službe i Sektora za operativnu podršku i upravno pravne poslove, Terenski centri: Sarajevo, Banja Luka, Mostar, Livno, Trebinje, Istočno Sarajevo, Tuzla, Zenica, Goražde, Orašje, Doboj, Brčko, Travnik, Bihać, Bijeljina i Ljubuški.

Sektor za operativnu podršku i upravno pravne poslove vršio je upravne i stručne kontrole predloženih akata od strane Terenskih centara radi potpisivanja i donošenja određenih odluka po pitanjima statusa stranaca u BiH. Sektor je pratio stanje u oblasti migracija i kretanja stranaca u BiH te s tim u vezi predlagao i sprovodio određene operativno taktičke planove i akcije na suzbijanju ilegalne migracije i boravka stranaca.

Sektor za readmisiju, prihvata i smještaj stranaca implementirao je preuzete obaveze po readmisionim Sporazumima koje je BiH ratifikovala, upravljao Imigracionim centrom i starao se o osiguranju EU standarda smještaja stranaca u istom. Sektor je također osiguravao povratak stranaca u zemlje njihovog porijekla te ostvarivao saradnju sa nevladinim organizacijama nadležnim sa smještaj i zaštitu žrtava trgovine ljudima i ilegalne migracije u BiH.

Sektor za pravne, kadrovske, opće, finansijske i tehničko-informatičke poslove vršio je personalnu obradu zaposlenih u Službi, vršio podršku prilikom kadrovske popune kao i u pogledu materijalno finansijske obrade i zakonitog trošenja i raspolaganja budžetom Službe, te davao tehničku podršku u pogledu uspostave i održavanja informacionih tehnologija za potrebe Službe.

Poslove provjere zakonitosti rada i postupanja Terenskih centara u ostvarivanju povjerenih nadležnosti iz člana 3. Zakona o Službi za poslove sa strancima, izvršavao je Inspektorat za unutrašnju kontrolu ove Službe u skladu sa svojim nadležnostima.

U cilju efikasnijeg upravljanja migracijama u Bosni i Hercegovini, donesen je Zakon o kretanju i boravku stranaca i azilu koji je stupio na snagu 14.05.2008. godine a zatim i Pravilnik o ulasku i boravku stranaca koji je stupio na snagu 15.10.2008. godine. Primjenom odredaba novog Zakona i Pravilnika, inspektori za strance naše Službe mogu efikasnije rješavati ovu problematiku a bitno je naglasiti da je Zakon u potpunosti usklađen sa evropskim standardima iz ove oblasti.


Menadžment Službe, u kojem su direktor, zamjenik direktora i pomoćnik direktora za unutrašnju kontrolu, analizirajući stanje u 2007. godini preduzeo je niz aktivnosti u cilju otklanjanja negativnosti u radu i efikasnijeg rješavanja problematike kretanja i boravka stranaca, te donio određen broj instruktivnih akata radi istovjetnog postupanja svih Terenskih centara u rješavanju problematike predviđene Zakonom o kretanju i boravku stranaca i azilu.

II UPOREDNI STATISTIČKI POKAZATELJI PREDUZETIH AKTIVNOSTI

Kao rezultat preduzetih planskih aktivnosti od strane Službe i njenih Terenskih centara postignuti su određeni pokazatelji, koji se mogu komparativno uporediti sa aktivnostima tokom 2007., godine u pristupu rješavanja problematike kretanja i boravka stranaca.

Prijava i odjava boravišta stranih državljana


Na području koje pokrivaju Terenski centri Službe za poslove sa strancima u **2008.** godini ukupno je izvršeno **331876** prijava – odjava boravka stranih državljana, što je **povećanje od 10,82 %** u odnosu na **2007.** godinu kada je prijava - odjava boravišta izvršena u **299448** slučajeva. Najveći broj prijava boravka zabilježen je kod pravnih i fizičkih lica koja su registrovana za pružanje usluga smještaja i odnose se na kratke boravke do 90 dana.




Kao rezultat povećanja broja prijave boravišta od 10,82 % je iz razloga kontinuirane inspekcijske kontrole od strane inspektora za strance u vezi utvrđivanja činjenica postojanja onog broja pravnih i fizičkih lica koja u skladu sa Zakonom nisu vršila vođenje evidencija i prijave boravišta, a pružali su usluge smještaja strancima.

Kontrola pravnih i fizičkih lica koje pružaju usluge smještaja strancima

Vršeci kontrole prema pravnim i fizičkim licima koje pružaju usluge smještaja strancima u **2008.** godini su utvrđene određene nepravilnosti i u **142** slučaja su izdati prekršajni nalozi pravnim i fizičkim licima, i to prema pravnim licima **41** te prema fizičkim licima **101**, što je **povećanje od 14,51 %** u odnosu na **2007.** godinu kada su u **124** slučaja preduzete zakonom propisane mjere prema pravnim i fizičkim licima, i to prema pravnim licima **25** te prema fizičkim licima **99**.




Najviše prijava - odjava boravišta odnosi se na državljane **R. Srbije, R. Hrvatske, Njemačke, Austrije, R. Slovenije** i drugih država prikazanih na dijagramu.




Podneseni zahtjevi za odobrenje - produženje privremenog boravka

U **2008.** godini ukupno je podneseno **3420** zahtjeva za odobrenje privremenog boravka i **3435** zahtjeva za produženje privremenog boravka, što ukupno iznosi **6855** zahtjeva, a što je **povećanje od 10,45 %** u odnosu na **2007.** godinu kada je ukupno podneseno **6206** zahtjeva i to: **2980** zahtjeva za odobrenje privremenog boravka i **3226** zahtjeva za produženje privremenog boravka.




Rješenja o odobrenju - produženju privremenog boravka


Rješavajući po zahtjevima za odobrenje - produženje privremenog boravka u **2008.** godini ukupno je odobreno - produženo **5971** privremeni boravak, od toga je odobren je u **2975** slučajeva i produžen u **2996** slučajeva, a što je **povećanje od 18,16 %** u odnosu na **2007.** godinu kada je ukupno odobreno-produženo **5053** privremenih boravaka, od toga je odobren u **2238** i produžen u **2815** slučajeva.



Od ukupnog broja odobrenih - produženih privremenih boravaka u najvećem broju isti su odobreni državljanima **R. Srbije, Crne Gore, R. Hrvatske, R. Turske** i drugih država prikazanih na sljedećem dijagramu.




Kada su u pitanju osnovi za odobrenje - produženje privremenog boravka, najviše stranih državljana u BiH ima odobren privremeni boravak **po osnovu izdate radne dozvole, zatim braka sa državljanima BiH, spajanja porodice, obrazovanja, privatnog preduzetništva i drugih osnova.**



Rješenja o odbijanju zahtjeva za odobrenje - produženje privremenog boravka


Vršeci operativne provjere i inspeksijske kontrole na terenu sa ciljem utvrđivanja činjeničnog stanja postojanja osnovanosti podnesenih zahtjeva za odobrenje - produženje privremenog boravka, utvrđeno je da ukupno **72** strana državljanina nisu ispunjavali uslove za odobrenje i **66** stranih državljana za produženje privremenog boravka o čemu je donešeno **138** rješenja o odbijanju zahtjeva za odobrenje - produženje privremenog boravka, dok je u **2007.** godini donešeno **181** rješenje i to: **112** za odobrenje i **69** za produženje privremenog boravka.

Kontinuirane operative provjere i inspekcijske kontrole inspektora za strance naše Službe i sagledavanjem svih činjenica o osnovanosti podnošenja zahtjeva o kojima je stranka upoznata prije podnošenja zahtjeva, rezultirale su manjim brojem podnesenih zahtjeva stranaca koji nisu ispunjavali Zakonom predviđene uslove za odobrenje - produženje privremenog boravka.




Zaključak o prekidu - obustavi postupka

U postupku razmatranja osnovanosti podnešenih zahtjeva za odobrenje privremenog boravka tokom **2008.** godine donešeno je ukupno **365** zaključaka i to: **237** zaključaka o prekidu postupka, **106** zaključaka o obustavi postupka i **22** zaključaka o odbacivanju zahtjeva, što je **smanjenje od 28 %** u odnosu na **2007.** godinu tokom koje su donešena ukupno **503** zaključka i to: **352** zaključka o prekidu postupka i **161** zaključak o obustavi postupka. **Zahtjevanjem od stranaka dostavljanje potpune dokumentacije prilikom podnošenja zahtjeva za odobrenje - produženje boravka rezultiralo je manjim brojem donesenih zaključaka.**



Odobrenje stalnog boravka

U izvještajnom periodu broj podnesenih zahtjeva za odobrenje stalnog boravka iznosio je **272** od toga je u **215** slučajeva isti odobren a u **5** slučajeva je odbijen zahtjev za odobrenje stalnog boravka, što je **povećanje od 66,87 %** u odnosu na **2007.** godinu tokom koje su podnesena **163** zahtjeva za odobrenje stalnog boravka, od čega je u **136** slučajeva isti odobren a u **6** slučajeva zahtjev odbijen.




Evidentno je da je tokom 2008. godine veći broj stranih državljana stekao uslove za odobrenje stalnog boravka po osnovu kontinuiranog odobrenog privremenog boravka dužim od 5 godina, što je rezultiralo povećanjem podnesenih zahtjeva za odobrenje stalnog boravka.

Stalni boravak tokom 2008. godine u najvećem procentu odobren je državljanima **Kine, zatim R. Hrvatske, Makedonije, R. Turske, Rusije** i drugih država prikazanih na sljedećem dijagramu.

Pregledom odobrenja stalnog boravka evidentno je da je stalni boravak državljanima R. Srbije odobren u veoma malom procentu, dok u odobrenjima – produženjima privremenog boravka zauzimaju najveći procenat.


Naime, Sporazum o dvojnog državljanstvu omogućava državljanima R. Srbije da prije steknu uslove za prijem u državljanstvo BiH, nego uslove za odobrenje stalnog boravka, te je iz tog razloga procenat odobrenja stalnog boravka državljanima R. Srbije izuzetno mali.



Izražena namjera za podnošenje zahtjeva za međunarodnu zaštitu


U **2008.** godini zaprimljeno je **56** namjera stranih državljana za podnošenje zahtjeva za međunarodnu zaštitu kojima su izdate potvrde i isti su upućeni u dalji postupak kod Ministarstva sigurnosti - Sektor za azil, što je **smanjenje od 138,62%** u odnosu na **2007.** godinu tokom koje je zaprimljeno **145** zahtjeva.

Smanjenje broja podnesenih zahtjeva u odnosu na 2007. godinu, ogleda se u činjenici da je u 2007. godini ukinut status privremenog prihvata licima iz Srbije i Crne Gore sa posljednjim prebivalištem na Kosovu, te da je većina ovih lica tražila azil.




Ovjera pozivnih pisama

Broj podnesenih zahtjeva za ovjeru pozivnih pisama u **2008.** godini iznosi **4444**, od čega **1313** od strane fizičkih lica i **3131** od strane pravnih lica, kojom prilikom je ovjereno **3554** pisama a **88** je odbijeno, što je **povećanje od 20,01 %** u odnosu na **2007.** godinu gdje je broj podnešenih zahtjeva iznosio **3703**, od čega od strane fizičkih lica **1250** i **2453** od strane pravnih lica, od čega je **3535** zahtjeva ovjereno a **71** je odbijen.




Najviše pozivnih pisama u svrhu izdavanja vize ovjereno je za državljane **Ukrajine, zatim Albanije, Kine, R. Srbije – UNMIK pasoši, Indije** i drugih država prikazanih u dijagramu. Kada su u pitanju državljani Ukrajine bitno je napomenuti da su tokom jula 2008. godine isti u velikom broju prisustvovali smotrama folklora i drugim kulturnim manifestacijama u Banja Luci i okolnim općinama, što je rezultiralo velikim brojem ovjerenih pozivnih pisama. **Pozivna pisma su uglavnom ovjeravana za poslovna, turistička ili druga putovanja u privatne svrhe, zatim putovanja na kulturne, naučne, sportske ili druge događaje, kao i za putovanja iz ostalih razloga za koji je potreban kratkoročni boravak u Bosni i Hercegovini.**




Rezultat ovih pokazatelja povećanog broja odbijenih zahtjeva za ovjeru pozivnih pisama je rezultat izvršenih operativnih provjera i utvrđenih svih činjenica nakon podnošenja zahtjeva za ovjeru pozivnih pisama te dosljedno primjenjivanje zakonskih propisa i instruktivnih akata u vezi ispunjavanja uslova za ovjeru istih, gdje je prije samog podnošenja zahtjeva utvrđeno da stranke ne ispunjavaju uslove za ovjeru, kao i osnovanoj pretpostavci da se radi o ilegalnim migracijama.

Prema prikazanom dijagramu najviše odbijenih zahtjeva za ovjeru pozivnih pisama odnosio se na državljane **Kine, zatim Srbije - nosioci UNMIK pasoša, Indije, Albanije i drugih zemalja.**




Kontrola boravka i preduzete mjere prema strancima


Vršeci sve neophodne operativne mjere i radnje kontrole kretanja i boravka stranaca tokom **2008.** godine (ugostiteljsko-turistički objekti, preduzeća, obrazovne ustanove, noćni barovi, kontrola adresa stanovanja), inspektori za strance naše Službe izvršili su ukupno **3994** kontrole. Prilikom kontrole su utvrđene određene nepravilnosti i u vezi s tim je skladu sa Zakonom izvršeno preduzimanje određenih mjera prema strancima u **1475** slučajeva i to: donešeno je **787** rješenja o protjerivanju stranca iz BiH, donešena su **484** rješenja o otkazu bezviznog i privremenog boravka, **32** rješenja o otkazu stalnog boravka, **172** stranca su prisilno udaljena, što iznosi **povećanje od 28,7 %** u odnosu na **2007.** godinu gdje su u **1146** slučajeva preduzete mjere prema strancima i to: donešena su **822** rješenja o protjerivanju stranca iz BiH, donešeno je **229** rješenja o otkazu privremenog boravka, **20** rješenja o otkazu stalnog boravka, dok je **75** stranaca prisilno udaljeno.



Najveći broj izrečenih mjera protjerivanja donešen je nakon sprovedenih akcija kontrole kretanja i boravka stranaca i odnosio se na državljane **Srbije, Turske, Albanije, Makedonije, Kine i državljane drugih zemalja prikazanih na dijagramu dole**, kojima su mjere izrečene iz razloga što su prekršili propise o prelasku državne granice, osobama prihvaćenim na osnovu Sporazuma o readmisiji sa R. Hrvatskom, iz razloga što su u BiH ostali nakon isteka roka važenja vize, ili odobrenja boravka, te radi prikrivanja činjenica o stvarnim namjerama boravka u BiH.



Kada je u pitanju otkaz boravka, najviše navedenih mjera doneseno je prema državljanima **R. Srbije, zatim R. Turske, Kine, R. Hrvatske** i drugih zemalja prikazanih na dijagramu. Otkaz boravka je najviše donošen zbog rada bez posjedovanja radne dozvole kao i zbog bitno izmijenjenih činjenica na osnovu kojih je boravka odobren.



Provjere u bazi ROS-a izvršene u sjedištu Službe

Sa sigurnosnog aspekta je bitno napomenuti da je Služba za poslove sa strancima u skladu sa Instrukcijom o pravilima vođenja i korištenja službene evidencije Registar određenih stranaca, **02.06.2008. godine** od Sektora za imigraciju Ministarstva sigurnosti, preuzela vršenje provjera kroz evidenciju u ROS-u, prilikom postupka izdavanja viza stranim državljanima od strane DKP-a radi dolaska u BiH kao i prilikom prijema stranih državljana u državljanstvo BiH. Tokom 2008. godine izvršene su **8384** provjere u bazi „ROS“ na osnovu zahtjeva DKP-a BiH prilikom postupka izdavanja viza stranim državljanima.


Također u ovom izvještajnom periodu izvršene su **603** provjere na osnovu zahtjeva nadležnih organa prilikom postupka prijema stranih državljana u državljanstvo BiH.

Saglasnost za izdavanje „D“ vize

Zakonom o kretanju i boravku stranaca i azilu predviđeno je da Služba daje saglasnost za izdavanje viza za dugoročni boravak – viza tipa „D“, na osnovu koje stranci mogu ostvariti pravo na boravak u BiH. Ministarstvo inostranih poslova BiH je tokom 2008. godine Službi radi davanja saglasnosti uz potrebnu dokumentaciju dostavilo **100** zahtjeva za izdavanje viza tipa „D“ koje su zaprimila DKP-a BiH u svijetu.

Nakon izvršenih provjera utvrđeno je da **77** zahtjeva ispunjavaju zakonom predviđene uslove, te je Služba za **77** predmeta dala pozitivnu saglasnost za izdavanje vize tipe „D“, dok u **23** predmeta nije data pozitivna saglasnost, zbog neispunjavanja uslova za izdavanje vize tipa „D“.

Pregled država iz kojih dolaze stranci kojima je data saglasnost.



III INSPEKCIJSKI POSLOVI

U cilju suzbijanja ilegalnih migracija u Bosni i Hercegovini inspektori za strance naše Službe su prikupljali korisne operativne podatke o pojavama ilegalnih migracija, na osnovu kojih su vršene odgovarajuće aktivnosti planiranja i sprovođenja kontrole kretanja i boravka stranih državljana na područjima koje pokrivaju naši Terenski centri. Nakon prikupljenih korisnih operativnih saznanja najveći broj inspekcijskih kontrola izvršen je od strane Terenskih centara pojedinačno na svom području, ali su zbog ukazane potrebe i složenosti inspekcijske kontrole, izvedene koordinirane inspekcijske kontrole uz učesće inspektora za strance iz više Terenskih centara uz asistenciju entitetskih MUP-a i Policije Brčko Distrikta.

U ovom izvještajnom periodu izvršene su inspekcijske kontrole kretanja i boravka stranaca na sljedećim lokalitetima:

Inspekcijska kontrola kretanja i boravka stranaca na području Distrikta Brčko i Tuzlanskog kantona - lokaliteti pijace „Arizona“ i „Nova Gradačka pijaca“, izvedena je 05.04.2008. godine, te inspekcijska kontrola na lokalitetu „Nova Gradačka pijaca“ izvedena 06.04.2008. godine.

Inspekcijska kontrola je planirana i izvedena na osnovu prethodno prikupljenih operativnih saznanja da se određen broj lica pretežno iz Kine, Turske i Srbije na području pijace „Arizona“ i „Nova Gradačka pijaca“ ne pridržavaju Zakonskih odredbi u vezi blagovremene prijave, odjave i zapošljavanja stranaca kao i da na pomenutom lokalitetu boravi određen broj stranih državljana iz zemalja sa visokim stepenom ilegalnih migracija koji rade i borave suprotno Zakonskim odredbama.

U inspekcijskoj kontroli je učestvovalo 26 inspektora za strance Terenskih centara Službe a asistenciju im je pružalo 15 policajaca Policije Brčko Distrikta i 13 policajaca MUP-a Kantona Tuzla - PU Gradačac.

Tom prilikom je kontrolisano 119 objekata te legitimisano 221 lice, od kojih je najveći broj državljana Kine, te neznatan broj državljana R. Turske i R. Srbije.

Kontrolom je utvrđeno da 16 lica u BiH borave i rade suprotno odredbama Zakona, i to: 13 državljana Kine, 2 državljanina R. Srbije i 1 državljanin R. Turske, te su protiv istih preduzete Zakonom predviđene mjere protjerivanja, otkaza boravka, zaključka o prisilnom udaljenju, te izdati prekršajni nalozi.

Inspekcijska kontrola kretanja i boravka stranaca na području Unsko-Sanskog Kantona, lokaliteti općina Bihać, Velika Kladuša,

Cazin, Sanski Most, Bosanski Petrovac i Ključ, izvedena je 11.04.2008. godine.

Akcija je planirana i izvedena na osnovu prethodno prikupljenih operativnih saznanja da se određen broj pravnih i fizičkih lica koja pružaju usluge smještaja stranim državljanima ne pridržavaju Zakonskih odredbi u vezi posjedovanja, ovjere i vođenja knjige stranih gostiju, blagovremene prijave i odjave stranaca, da u istim boravi određen broj stranih državljana iz zemalja visokog migracionog rizika, te da u objektima koji se bave pekarskom djelatnošću rade strani državljanin suprotno Zakonskim odredbama.

U inspekcijskoj kontroli je učestvovalo 11 inspektora za strance Terenskih centara Službe a asistenciju im je pružalo 18 policajaca MUP-a Unsko-Sanskog Kantona te 8 policajaca Granične policije. Tom prilikom je kontrolisano 11 pravnih i fizičkih lica koja pružaju usluge smještaja stranim državljanima te 28 pravnih lica koja se bave pekarskom djelatnošću, kojom prilikom je legitimisano 14 stranih državljana (13 R. Srbije i 1 R. Turske) i 41 državljanin BiH.

Kontrolom je utvrđeno da 6 državljana R. Srbije u BiH borave i rade suprotno odredbama Zakona, te su protiv istih preduzete Zakonom predviđene 2 mjere protjerivanja, 4 mjere otkaza boravka i izdati su prekršajni nalozi.

Kontrolom je također utvrđeno da se 1 pravno i 4 fizička lica koja pružaju usluge smještaja stranim državljanima ne pridržavaju Zakonskih odredbi, te su istima izdati prekršajni nalozi.

Inspekcijaska kontrola kretanja i boravka stranaca na lokalitetu Međugorja, područje općine Čitluk, odnosno u naseljima: Krštine, Kozine, Lišnjačine, Sivrići, Starčine, Krčine, Vasilji, Šege, Čilići, Podbrdo, Grm, Kukrice, Ostojići i Matale izvedena je 16.05.2008. godine.

Inspekcijaska kontrola je planirana i izvedena na osnovu prethodno prikupljenih operativnih saznanja da se određen broj pravnih i fizičkih lica koja pružaju usluge smještaja stranim državljanima na lokalitetu Međugorja, područje općine Čitluk, ne pridržavaju Zakonskih odredbi u vezi posjedovanja, ovjere i vođenja knjige stranih gostiju, blagovremene prijave i odjave stranaca.

U inspekcijskoj kontroli je učestvovalo 28 inspektora za strance Terenskih centara Službe a asistenciju im je pružalo 14 policajaca MUP-a Hercegovačko-Neretvanskog Kantona. Tom prilikom su kontrolisana 92 pravna i fizička lica koja pružaju usluge smještaja stranim državljanima, od kojih je samo 1 pravna i 13 fizičkih lica posjedovalo i uredno vodilo knjigu stranih

gostiju. Protiv fizičkih i pravnih lica koja se nisu pridržavala Zakonskih odredbi, preduzete su zakonom predviđene mjere.

Inspekcijska kontrola kretanja i boravka stranaca na području općine Neum izvedena je 27.06.2008. godine.

Inspekcijska kontrola je planirana i izvedena na osnovu prethodno prikupljenih operativnih saznanja da se određen broj pravnih i fizičkih lica koja pružaju usluge smještaja stranim državljanima ne pridržavaju Zakonskih odredbi u vezi posjedovanja, ovjere i vođenja knjige stranih gostiju, blagovremene prijave i odjave stranaca.

U inspekcijskoj kontroli su učestvovala 24 inspektora za strance Terenskih centara Službe a asistenciju im je pružalo 12 policajaca MUP-a Hercegovačko-Neretvanskog Kantona. Tom prilikom je kontrolisano 124 pravnih i fizičkih lica koja pružaju usluge smještaja stranim državljanima.

Kontrolom je također utvrđeno da se određeni broj pravnih i fizičkih lica koja pružaju usluge smještaja stranim državljanima ne pridržavaju Zakonskih odredbi, te su prema istima preduzete zakonom predviđene mjere.

IV PRIHVAT I SMJEŠTAJ STRANACA

Veoma je bitno sa sigurnosnog aspekta napomenuti da je Imigracioni centar Službe za poslove sa strancima dana 30.06.2008. godine dobio upotrebnu dozvolu i kao takav stavljen u funkciju, te da Služba preduzimajući mjere i radnje iz svoje nadležnosti može donositi i realizovati rješenja o stavljanju stranaca pod nadzor u navedeni Centar.

Imigracioni centar Službe za poslove sa strancima od prijema prvih korisnika u Centar izvršava poslove i zadatke predviđene Zakonom o Službi za poslove sa strancima i Zakonom o kretanju i boravku stranaca i azilu, kao i obaveze propisane pravilnicima kojima se utvrđuje način rada Imigracionog centra, a to su:

1. Pravilnik o standardima funkcionisanja i drugim pitanjima značajnim za rad Imigracionog centra,
2. Pravilnik o načinu vršenja službe obezbjeđenja, naoružanju i opremi, upotrebi vatrenog oružja i drugih sredstava prinude u Imigracionom centru,
3. Pravilnik o nadzoru i udaljenju stranca iz Bosne i Hercegovine,
4. Pravilnik o kućnom redu u Imigracionom centru,

5. Plan postupanja u vanrednim situacijama.

Imigracioni centar kao organizaciona jedinica Službe izvan njenog sjedišta u okviru Sektora za readmisiju, prihvata i smještaj stranaca, vrši Zakonom propisane poslove i zadatke, i to;

- prijem i smještaj stranaca kojima je odlukom nadležnog tijela u Bosni i Hercegovini određena mjera stavljanja pod nadzor,
- obezbjeđenje Centra i provođenje pravilnicima propisanih procedura u Centru,
- pripremu i izvršenje mjere udaljenja iz Bosne i Hercegovine u zemlju porijekla,
- pružanje podrške Terenskim centrima prilikom dovođenja stranaca u Centar u slučaju kad se radi o više lica,
- obračun troškova boravka u Centru,
- nabavku i obezbjeđenje uslova za nesmetano funkcionisanje Centra.

Imigracioni centar ima smještajni kapacitet **40** mjesta i podijeljen je u dva odvojena paviljona, muški sa kapacitetom od **25** mjesta i ženski sa **15** mjesta.

Radovi na izgradnji nove zgrade Imigracionog centra, objekta od čvrstog materijala, sa smještajnim kapacitetom od **80** mjesta teku predviđenom dinamikom.


Poslove unutrašnjeg i vanjskog obezbjeđenja Imigracionog centra obavlja služba koja broji **37** službenika raspoređenih u 4 tima - vođa tima i po 8 službenika.

Od momenta stavljanja Imigracionog centra u funkciju, **198** ilegalnih migranata je bilo stavljeno pod nadzor u cilju preduzimanja daljih mjera u skladu sa Zakonom.

Najviše ilegalnih migranata je bilo iz **Turske, zatim Srbije, Makedonije, Albanije, Kine, Pakistana**, kao i manji broj iz Moldavije, Crne gore, Belgije, Ukrajine, Italije, Poljske, Rumunije, Austrije, Holandije, Sirije, Bahreina, Kameruna, Koreje, Libanona i Nigerije.

U ovom izvještajnom periodu ukupno je izvršeno 185 udaljenja stranaca u zemlju porijekla.

Pregled država iz kojih dolaze ilegalni migranti koji su smješteni u Imigracioni centar Službe, prikazan je na sljedećem dijagramu.



Od ukupnog broja primljenih korisnika Centra, po Sporazumu o readmisiji sa Republikom Hrvatskom u Centar je smješteno **67 korisnika, i to 58 državljanja Turske i 9 državljanja Albanije.**

Također je veoma bitno napomenuti da su u Centar smještene pod nadzor i dvije osobe koje su od strane nadležne sigurnosne agencije okvalifikovane kao osoba čije prisustvo predstavlja prijetnju javnom poretku i nacionalnoj sigurnosti BiH, gdje se trenutno provode dalje mjere iz naše nadležnosti.

Veoma je bitno napomenuti da uslovi prihvata, smještaja i boravka korisnika u Imigracionom centru, zadovoljavaju evropske standarde iz ove oblasti.

VI POSLOVI INSPEKTORATA ZA UNUTRAŠNJU KONTROLU

Inspektorat za unutrašnju kontrolu je postupao u skladu sa Planom rada inspektorata za 2008. godinu, Uputstvom o radu inspektorata i postojećim zakonskim propisima kojima je propisana nadležnost rada Službe za poslove sa strancima.

Osnovna aktivnost Inspektorata odnosila se na provođenje redovnih inspeksijskih pregleda u Terenskim centrima Službe, iz razloga što se najveći dio aktivnosti Službe realizuje upravo u terenskim centrima.

Redovnim inspekcijskim pregledima obuhvaćena je provjera zakonitosti rada i postupanja terenskih centara u ostvarivanju povjerenih nadležnosti iz člana 3. Zakona o službi za poslove sa strancima. Ostvaren je uvid u praksu primjene Zakona o kretanju i boravku stranaca i azilu, Pravilnika o ulasku i boravku stranaca, te obaveznih uputstava koja se odnose na primjenu pojedinih odredbi zakona, najčešće u vezi sa postupkom odobrenja i produženja privremenih boravaka, odobrenja stalnih boravaka, ovjere garantnih pisama/poziva itd. Pored navedenog, tokom pregleda je ostvaren uvid i u uslove rada terenskih centara, njihovu opremljenost materijalno-tehničkim sredstvima, kadrovsku popunjenost, te uvid u način obavljanja pomoćne djelatnosti, što se odnosi na kancelarijsko i arhivsko poslovanje. Na osnovu provedenih pregleda, predloženi su određeni zaključci u cilju poboljšanja efikasnosti rada u svim segmentima iz domena Službe.

Pored navedenog inspektorat je u izvještajnom periodu postupio po svim dostavljenim službenim saznanjima, predstavkama i žalbama u kojima se navode određene nepravilnosti u radu uposlenih u Službi. U tom smislu provedeni su interni postupci, sačinjeni izvještaji sa prijedlozima mjera koji su prihvaćeni od strane rukovodstva Službe. Svi predmeti su okončani u razumnim rokovima uz dostavljanje odgovora o rezultatima provedenog internog postupka podnosiocima predstavki. U određenim predmetima predložene mjere su obuhvatile vođenje disciplinskog postupka i dostavljanje izvještaja nadležnim tužilaštvima na postupanje radi donošenja konačnih tužilačkih odluka.

Pored navedenih aktivnosti Inspektorat je u izvještajnom periodu realizirao i slijedeće:

- Pokrenuo je aktivnosti koje se odnose na ocjenjivanje rada službenika shodno članu 30. Zakona o državnoj službi u institucijama BiH;
- Sačinjena je Odluka o postavljanju i načinu otvaranja sandučića za pritužbe na rad uposlenih u Službi;
- Sačinjena je Informacija o obavezi dostavljanja Izvješća o rješavanju u upravnim stvarima;
- Sačinjen je prijedlog o vođenju upisnika UP;
- Sačinjen prijedlog o primjeni Pravilnika o službenoj iskaznici i znački;
- Učestvovali u izradi normative iz oblasti zaštite tajnih podataka, nakon čega je pokrenut postupak na implementiranju istih u Službi;

- Učestvovali radu Komisija koje su formirane na nivou Ministarstva sigurnosti BiH radi donošenja Pravilnika shodno obavezama koje proizlaze iz novog Zakona o kretanju i boravku stranaca i azilu;
- Učestvovali u izradi Pravilnika o unutrašnjoj organizaciji Službe kao i sačinjavanju većeg broja podzakonskih normativnih akata Službe.
- Inspektorat je uzeo aktivno učešće na implementaciji prekršajnih naloga i umrežavanju istih u registar novčanih kazni.
- Inspektorat je uzeo aktivno učešće u sačinjavanju Protokola o razumijevanju kojim bi se propisali uslovi odobrenja boravka članovima porodica pripadnika misije EUFOR/NATO koji su u misiji u BiH.
- U izvještajnom periodu službenici Inspektorata su učestvovali u radu Komisija za odabir kadrova koji su aplicirali za rad u Službi, kao i drugim komisijama.

VI BUDŽETSKA SREDSTVA I KADROVSKA POPUNJENOST

1. Budžet

Odobreni budžet Službe za 2008. godinu iznosio je 5.331.844,00 KM i isti je bio na nivou odobrenog budžeta iz 2007. godine i nije mogao obezbjediti finansiranje raelnih potreba u dijelu materijalnih troškova i sredstava za bruto plate zaposlenih.

U cilju obezbjeđenja nedostajućih sredstava Služba je blagovremeno pokrenula aktivnosti prema nadležnom ministarstvu i Vijeću ministara čime smo obezbjedili dodatnih 728.856,00 KM od čega:

- 160.000,00 KM preraspodjelom sredstava iz odobrenog budžeta Ministarstva sigurnosti, za potrebe rada Imigracionog centra i
- 568.856,00 KM iz tekuće budžetske rezerve za potrebe obezbjeđenja sredstava za isplatu plate za novembar i decembar 2008. godine.

Ukupno odobrena sredstva za rad Službe u 2008. godini iznose 6.060.709,00 KM a ostvareni rashodi procijenjuju se na cca. 6.035.000,00 KM od čega:

- bruto plate zaposlenih 3.593.000,00 KM,
- naknade troškova zaposlenih 887.420,00 KM
- troškovi poslovanja 1.050.580,00 KM
- kapitalni izdaci 504.000,00 KM.

Realizovani rashodi u odnosu na ukupno raspoloživa sredstva u 2008. godini ostvarit će se sa 99,60%.

2. Kapitalna ulaganja

Raspoloživa budžetska sredstva u 2008. godini za potrebe kapitalnih ulaganja iznosila su 505.000,00 KM od čega je utrošeno 503.956,00 KM (izvršenje 99,99%) i to za:

- nabavka zemljišta za budući objekat uprave Službe 110.439,00 KM,
- građevinski radovi i infrastruktura Imigracionog centra 148.605,00 KM,
- nabavka opreme (vozilo, namještaj, video nadzor, IT i TKC oprema i sl.) 244.912,00 KM.

3. Javne nabavke

U toku 2008. godine realizovano je 18 postupaka javnih nabavki od čega 3 tendera po proceduri otvorenog javnog postupka, 14 po proceduri konkurentskog zahtjeva i jedan pregovarački postupak. U provođenju postupaka javnih nabavki imali smo jednu žalbu učesnika upućenu uredu za razmatranje žalbi ali je ista odbijena kao neosnovana. Pri ovome napominjemo da u Službi nemamo državnog službenika za javne nabavke tako da su se poslovi na stručnoj pripremi tenderske dokumentacije i opsluživanja rada Komisije za javne nabavke obavljali preraspodjelom poslova unutar Službe.

4. Zapošljavanje

Ukupan broj zaposlenih na dan 01.01.2008.godine iznosio je 153 a na dan 31.12.2008.godine 183. U toku godine zaposleno je novih 33 izvršilaca a istovremeno su tri izvršioca napustila Službu (jedan državni službenik je penzionisan po ličnom zahtjevu radi odlaska u invalidsku penziju, jedan izvršilac na poziciji imenovanog savjetnika razriješen je funkcije odlukom direktora Službe i jednom izvršiocu je prestao radni odnos po osnovu ličnog zahtjeva).

U toku 2008.godine realizovana su dva oglasa za prijem uposlenika, tri interna oglasa za premještaj državnih službenika i jedan eksterni premještaj državnog službenika.

VII OBUKE

Radi adekvatne primjene zakonskih odredaba iz oblasti rada Službe kao i kretanja i boravka stranaca i azila, Služba je u 2008 god. realizirala sljedeće obuke za svoje službenike:

I

- U organizaciji ICITAP-a i Službe održana je obuka za 27 inspektora za strance u bojevom gađanju, u terminu od **21.01. do 15.02.2008.** godine. Obuka je održana u prostorijama JSP SIPA-e i u streljani u Zenici.
- Također, u organizaciji ICITAP-a i Službe održana je obuka o rukovanju teleskopskom palicom za inspektore za strance i službenike osiguranja u Imigracijskom centru u terminu od **01.09. do 08.10.2008.** godine u prostorijama Jedinice za specijalnu podršku SIPA-e u Istočnom Sarajevu. Obuku je uspješno završilo 95 službenika, odnosno 58 inspektora za strance i 37 službenika osiguranja.
- Služba za poslove sa strancima i Ured Europske komisije za tehničku pomoć TAIEX organizirao je i realizirao radionicu na temu „Slobodno kretanje, azil i imigracije“ koja je održana u hotelu "Holiday Inn", Sarajevo **21. i 22.10.2008.** godine. Predavanja su držali strani i domaći predavači, a na radionici su sudjelovali predstavnici institucija u BiH.

II

Službenici Službe za poslove sa strancima su pohađali i druge obuke u organizaciji:

1. Ministarstvo sigurnosti BiH

- **Obuka "Sustav policijskog privođenja, uvjeti pritvora i ljudska prava"**, iz programa policijske suradnje koju financira Austrijska agencija za razvoj (ADA), a realizirali su je eksperti i predavači iz Saveznog ministarstva unutarnjih poslova Republike Austrije. Obuka je održana u terminu od 11. – 14. 03.2008. godine u Zgradi institucija BiH. Na obuci je sudjelovao 1 službenik.
- **Obuka iz oblasti sigurnosne politike Bosne i Hercegovine;** obuka je održana u Domu policije u Sarajevu od 12.-23.05.2008. godine. Na obuci je sudjelovao 1 službenik, a 1 službenik je održao predavanje.
- **Obuka iz oblasti sigurnosne politike Bosne i Hercegovine;** obuka je održana u hotelu "Terme" na Ilidži od 3. do 4.11.2008. godine. Na obuci je sudjelovao 1 službenik, a 1 službenik je održao predavanje.
- **Seminar „OCTA upitnik Jugoistočne Europe“** Održan 11. i 12.11.2008. godine u Zgradi prijateljstva Grčke i BiH; na seminaru su sudjelovala 2 uposlenika.

2. Ministarstvo sigurnosti BiH, Sektor za međunarodnu suradnju

- **Radionica u okviru AENAES Programa 2005 "Razvoj sistema komunikacije i razmjene informacija o nezakonitoj migraciji u Regionu Zapadnog Balkana"**– održana u terminu od 24. do 27.06.2008. godine u Zgradi institucija BiH ; sudjelovala su 2 uposlenika.

3. Ministarstvo sigurnosti BiH, Sektor za imigraciju

- **Obuka „Podrška u izgradnji infrastrukture migracija i azila u BiH – kreiranje tima za analizu i planiranje"** održana u Češkoj u terminu od 2. do 7.11. 2008. godine; na obuci su sudjelovala 2 uposlenika.
- **Obuka „Jačanje kapaciteta državnih snaga sigurnosti za djelovanje na planu borbe protiv trgovine ljudima u BiH"** održana 22. i 23.12.2008. godine u Blagaju; na obuci sudjelovalo 16 uposlenika.

4. UNHCR i Sektor za azil

- **Obuka za službenike osiguranja** održana je u terminu od 15. do 17.12.2008. godine u službenim prostorijama Službe, Pijačna br. 6, Ilidža. Na obuci su sudjelovalo 37 službenika osiguranja u Imigracijskom centru.

5. IOM

- **EUROPOL obuka** na kojoj je sudjelovao 1 uposlenik. Obuka je održana na Ekonomskom fakultetu u terminu od 08.- 19.09.2008. godine.

6. ICITAP

- **Kurs "Obuka instruktora"** – održana u terminu od 14. do 18.04.2008. godine na Policijskoj akademiji na Vracama, Sarajevo. Na obuci sudjelovala 4 uposlenika.
Kurs "Tehnike intervjuiranja" u dva termina, i to: prvi termin od 16.-20.06., i drugi termin od 23.-27.06.2008. godine. Obuku je pohađalo 10 uposlenika.
- **Osnovni kurs "Tehnike izazivanja otisaka prstiju i njihova kvalifikacija"** održan na Policijskoj akademiji MUP-a FBiH u terminu od 28.7. do 1.8.2008. godine. Na obuci je sudjelovalo 5 uposlenika.

7. U.S. Embassy Sarajevo

"Kurs za krivotvorene putničke dokumente", ponuda Državnog Odjeljenja/Diplomatska sigurnost - održan od 11. do 14.03.2008. godine na Policijskoj akademiji na Vracama, Sarajevo. Sudjelovala su 4 predstavnika Službe.

- **Međunarodni seminar/obuka na temu u svezi borbe protiv organiziranog kriminala, ilegalne trgovine narkoticima, trgovine ljudima, kao i sve aktualne teme u svezi sa borbom protiv kriminala** - održan od 17.03. do 09.05.2008. godine u Međunarodnoj akademiji za provođenje zakona u Budimpešti, Republika Mađarska. Ispred Službe na seminaru je sudjelovao 1 predstavnik.

8. Ured Državnog koordinatora za borbu protiv trgovine ljudima i ilegalne migracije

- **Seminar "Standardizirani postupci različitih profesija u zaštiti i postupanju sa djecom žrtvama i žrtvama svjedocima trgovine ljudima – zaštita djece u mjestima njihovog boravišta ili prebivališta"** – održan 12., 13. i 14.03.2008. godine u Hotelu "Park" , Vogošća. Na seminaru su sudjelovala 4 predstavnika Službe.
- **Seminar "Standardizirani postupci različitih profesija u zaštiti i postupanju sa djecom žrtvama i žrtvama svjedocima trgovine ljudima – zaštita djece u mjestima njihovog boravišta ili prebivališta"** – održan 19., 20. i 21.03.2008. godine u Motelu "Elite Dragana", Banja Luka. Na seminaru su sudjelovala 4 predstavnika Službe.
- **Seminar "TRM Program podrške i razvoja međudržavnog mehanizma upućivanja za žrtve trgovine ljudima u Jugoistočnoj Europi"** – održan u hotelu "Park" u Vogošći 06. i 07.05.2008. godine. Na seminaru je sudjelovalo 5 predstavnika Službe.

9. Agencija za državnu službu

- Obuka **"Kancelarijsko poslovanje i unutrašnja komunikacija"** – održana 05. i 20.03.2008. godine u Zgradi zajedničkih institucija BiH. Sudjelovali su 2 uposlenika.
- Seminar **"Reforma javne uprave"** održan 05. i 19.03.2008. godine u Zgradi zajedničkih institucija BiH. Sudjelovali su 3 uposlenika.

- Obuka **“Pisanje akata i jezik u javnoj administraciji”** – održan 20.03.2008. godine u Zgradi zajedničkih institucija BiH. Sudjelovala su 2 uposlenika.
- **Obuka za novouposlene** održana od 21. do 24.10.2008. godine u Zgradi institucija BiH. Na obuci su sudjelovala 4 uposlenika.
- Obuka **„Upravljanje promjenama”** održana u Neumu od 5.10. do 19.11.2008. godine; na obuci sudjelovala 2 uposlenika.
- **Obuka za novouposlene** održana od 1. do 5.12.2008. godine u Zgradi institucija BiH. Na obuci je sudjelovalo 6 uposlenika.
- Obuka **„Razvoj socijalnih vještina u radnom okruženju”** održana u terminu od 24.11. do 19.12.2008. godine u hotelu „Bosnia” u Sarajevu; na obuci je sudjelovalo 7 uposlenika.

10. Vijeće Europe

- **Seminar o pravima pritvorenika i zatvorenika, garantiranih člancima 3., 5. i 6. Europske konvencije o ljudskim pravima.** Seminar je održan u hotelu “Hollywood” 19. i 20.05.2008. godine. Ispred Službe na seminaru su sudjelovala 2 uposlenika.

11. Ministarstvo civilnih poslova, Direkcija za implementaciju CIPS Projekta

- **Stručni seminar** o pružanju podrške BiH u uspostavi sistema izdavanja biometrijskih putnih isprava. Seminar je održan 23. i 24.10.2008. u Banja Luci. Na seminaru je sudjelovao 1 uposlenik.

VIII SLUŽBENA SARADNJA

Služba za poslove sa strancima je tokom 2008. godine načinila bitne pomake u oblasti nadogradnje službene saradnje sa svim agencijama za sprovođenje zakona, tužilaštvom, međunarodnim i NVO organizacijama. Nadograđena je saradnja Službe sa institucijama na području BiH iz segmenta kretanja i boravka stranaca i razmjene informacija koje su se mogle koristiti za preduzimanje mjera i aktivnosti iz nadležnosti bilo koje bezbjednosne agencije na području BiH. Posebno treba napomenuti dobru i profesionalnu saradnju sa MUP-a entiteta i policije Brčko Distrikta, OSA-e, Granične policije, SIPA-e, NCB Interpol Sarajevo, Državne komisije za reviziju odluka o naturalizaciji stranih državljana u BiH, Sektora za azil i Sektora za imigraciju, ICITAP, IOM, Evropska komisija, NVO “Vaša prava”.



Inspektori za strance naše Službe u svom svakodnevom radu su dolazili do veoma korisnih operativnih saznanja iz nadležnosti drugih sigurnosnih agencija, i iste su blagovremeno dostavljane u nadležnost i postupanje OSA-i, SIPA-i, Graničnoj policiji i entitetskim MUP-a.

Isto tako veoma efikasna službena saradnja je iskazana prilikom sprovedenih planskih akcija inspeksijske kontrole kretanja i boravka stranaca, prilikom udaljavanja lica sa teritorije BiH, te saradnje sa službenicima SIPA-e i OSA-e prilikom razotkrivanja i spriječavanja krivičnih djela iz oblasti trgovine ljudima i krijumčarenja osoba.

U prethodnom izvještajnom periodu tražene su sve neophodne informacije od strane OSA-e i SIPA-e, prilikom rješavanja po zahtjevu stranaka za odobrenje boravka u BiH, ovjere pozivnih pisama, za lica koja dolaze iz zemalja sa visokim stepenom ilegalnih migracija, kao i za lica kojima je od strane Državne komisije za reviziju odluka o naturalizaciji stranih državljana u BiH oduzeto državljanstvo BiH, zbog utvrđivanja činjenica da li su prijetnja javnom redu i nacionalnoj sigurnosti.

Saradnja sa Obavještajno – sigurnosnom agencijom u ovom pogledu rezultirala je poboljšanjem sigurnosne situacije na način da je Služba preduzimajući mjere iz svoje nadležnosti, pod nadzor u Imigracioni centar smjestila dva strana državljanina koji su prijetnja nacionalnoj sigurnosti Bosne i Hercegovine. Također, Služba je izrekla mjere protjerivanja za dva lica koji su prijetnja nacionalnoj sigurnosti, a za tri lica koja su podnijeli zahtjeve za produženje privremenog boravka u Bosni i Hercegovini isti su odbijeni i naloženo im je napuštanje teritorije Bosne i Hercegovine.

U cilju suzbijanja pojava ilegalnih migracija naša Služba vrši po potrebi koordinaciju aktivnosti sa Ministarstvom inostranih poslova, Graničnom policijom, Državnom agencijom za istrage i zaštitu, Obavještajno sigurnosnom agencijom, sa entitetskim MUP-a i policijom Brčko distrikta.

I u narednom periodu inspektori za strance naše Službe u cilju efikasnijeg upravljanja migracijama u Bosni i Hercegovini, preduzimaće sve neophodne operativne mjere i radnje u cilju otkrivanja i spriječavanja pojava ilegalnih migracija, sprovodeći kontinuirane aktivnosti kontrole kretanja i boravka stranaca.

D I R E K T O R

Dragan Mektić